

# Ríkissaksóknari

## Fyrirmæli/leiðbeiningar

Útgáfudagur:  
24. febrúar 2009

Gildistaka:  
Sjá efni fyrirmæla

Númer:  
**RS:2/2009**  
Kemur í stað RS: 2/2001 með  
fylgiskjali

**Efni: Brot sem ljúka má með lögreglustjórásátt.**

---

Lögreglustjóri hefur almenna heimild til að ljúka máli, sem hann hefur ákærvald um, með lögreglustjórasetk, þ. e. vettvangssetk skv. 148. gr. laga nr. 88/2008 um meðferð sakamála, sektarboði skv. 150. gr. og sektargerð skv. 149. gr. sömu laga. Skilyrði er að viðurlög við broti fari ekki fram úr sekt að tiltekinni fjárhæð samkvæmt reglugerð sem dómsmálaráðherra setur, sviptingu réttinda eða upptöku eigna, enda sé brot tilgreint á skrá, sem ríkissaksóknari gefur út skv. 1. sbr. 3. mgr. 149. gr. laga nr. 88/2008. Skráin hefur nú verið gefin út með gildistöku 25. febrúar 2009 og telst hún hluti af leiðbeiningum þessum. Samkvæmt reglugerð nr. 205/2009 um lögreglustjórásáttir er miðað við að fjárhæð sektar fari ekki fram úr 500.000 krónum. Við ákvörðun um hvaða brot eru tilgreind á skrá ríkissaksóknara hefur verið höfð hliðsjón af fyrirmælum/leiðbeiningum sama efnis RS nr. 2/2001 en skrá sem var fylgiskjal með þeim fellur úr gildi við gildistöku hinna nýju fyrirmæla/leiðbeininga.

Nokkrar breytingar hafa verið gerðar bæði hvað varðar eðlilegar leiðréttingar á fjárhæðum og eins hafa verið gerðar efnislegar breytingar í ljósi fenginnar reynslu. Breytingarnar eiga að leiða til þess að ljúka megi fleiri brotum með lögreglustjórásátt en áður hefur verið unnt að gera. Jafnframt er aukið svigrúm lögreglustjóra til að meta hvort ítrekun leiði til þess að ákæra skuli gefin út eftir alvarleika brots hverju sinni.

Ríkissaksóknari áreittar að þrátt fyrir að brot sé ekki að finna á skránni kunni að vera eðlilegt að ljúka því með lögreglustjórasetk enda sé brot smávægilegt og varði ekki við almenn hegningarlög. Í slíku tilviki getur viðkomandi lögreglustjóri haft samband við embætti ríkissaksóknara og leitað heimildar til slíkrar lúkningar á málinu.

Áriðandi er að þau mál, sem ekki verður lokið með sektargerð þrátt fyrir boð um slík málalok, verði lögð fyrir dómstóla án ástæðulausra tafa.

## Skrá yfir brot sem heimild samkvæmt 1. sbr. 3 mgr. 149. gr. laga um meðferð sakamála nr. 88/2008 nær til.

### 1. Brot gegn almennum hegningarlögum.

#### 1.1 Auðgunarbrot.

##### **Brot sem tilgreind eru í 1. mgr. 256. gr. almennra hegningarlaga:**

*Nú hefur eitthvert brot verið framið, sem varðar við 244.–250. gr., 253. eða 254. gr., en einungis er um smáræði að tefla, og má þá, ef sökunautur hefur ekki áður verið dæmdur fyrir auðgunarbrot, færa refsingu niður í sektir, eða jafnvel láta hana falla að öllu leyti niður.*

Gert er ráð fyrir að heimild til að ljúka auðgunarbroti með lögreglustjórásátt verði aðallega beitt gagnvart búðapjófnaði þótt sýnt sé að hin almenna heimild sé rýmri.

Hafi verið brotist inn á heimili fólks og verðmætum stolið eða tilraun gerð til slíks brots er óheimilt að ljúka máli með lögreglustjórásátt.

##### **1.1.1 Verðmæti.**

Að jafnaði verður ekki talið að um smáræði sé að tefla ef verðmæti þýfis nemur hærrí fjárhæð en kr. 80.000, sbr. og 245., 246. gr.

Hafa verður í huga að málsatvik kunna að vera með þeim hætti að ekki verður talið að um smáræði sé að tefla þótt verðmæti andlags brots sé innan við kr. 80.000. Má þá ekki ljúka máli með lögreglustjórásátt.

##### **1.1.2 Sektarfjárhæðir.**

Um búðapjófnað, svo og önnur auðgunarbrot sem ljúka má með lögreglustjórásátt að teknu tilliti til málsatvika, gilda eftirfarandi leiðbeiningar:

##### **Verðmæti hins stolna:**

(söluverð)

-	20.000
20.000	- 30.000
> 30.000	- 60.000
> 60.000	- 80.000

##### **Sektarfjárhæð í krónum:**

Sekt sem svarar tvöfaldri fjárhæð þess sem stolið var, lágmark 20.000.
40.000
50.000
60.000

Hafi brotþoli lagt fram sanngjarna skaðabótakröfu sem sakborningur greiðir ekki verður máli ekki lokið með lögreglustjórásátt.

Falli brotþoli frá skaðabótakröfu án þess að fá bætur greiddar eða þýfi til baka getur verið rétt að hækka sektarfjárhæð þannig að sakborningur hagnist ekki á brotinu.

## **1.2 Eignaspjöll skv. 1. og 3. mgr. 257. gr. alm. hgl.**

Tjón allt að kr. 30.000 leiðir til sektar að fjárhæð kr. 20.000 sem lækka má um helming hafi bætur verið inntar af hendi.

Pegar tjón vegna brots er meira en 30.000 skal sektarfjárhæð nema helmingi tjónsfjárhæðar. Lækka ber sekt um helming hafi bætur verið inntar af hendi.

Skemmdarverkum sem hafa í för með sér tjón allt að kr. 300.000 má ljúka með lögreglustjórásátt. Hámark sekta vegna skemmdarverka verður því kr. 150.000 samkvæmt framangreindu.

Hafi brotapolí lagt fram sanngjarna skaðabótakröfu sem sakborningur greiðir ekki verður máli ekki lokið með lögreglustjórásátt.

## **2. Brot á sérrefsilögum.**

### **2.1 Brot gegn umferðarlögum og reglum settum samkvæmt heimild í þeim.**

- Sektir og önnur viðurlög vegna brota ákvarðast í samræmi við fyrirmæli og leiðbeiningar sem felast í viðaukum við reglugerð um sektir og önnur viðurlög vegna brota á umferðarlögum og reglum settum samkvæmt þeim nr. 930/2006 með síðari breytingum.
- Heimilt er að víkja frá ákvæðum í viðaukum ef veigamikil rök mæla með því.
- Þegar ákvörðun er tekin um sekt vegna brota á tveimur eða fleiri ákvæðum umferðarlaga, eða reglna settra samkvæmt þeim, skal sektin vera samtala sekta vegna hvers brots um sig. Samtala sekta má þó aldrei fara fram úr þeirri hámarksfjárhæð sem ákveðin er í reglugerð um lögreglustjórásáttir, nú kr. 500.000.
- Veita ber sakborningi 25% afslátt af sektarfjárhæð sem ákveðin er, ef sakborningur greiðir sektina ásamt sakarkostnaði að fullu innan 30 daga frá dagsetningu sektarboðs eða undirritun sektargerðar sem sakborningur hefur gengist skriflega undir.
- Punktir vegna einstakra brota á ákvæðum umferðarlaga ákvarðast samkvæmt fyrirmælum í reglugerð um ökuferilsskrá og punktakerfi vegna umferðarlagabrota.

### **2.2 Brot gegn lögum um ávana- og fíkniefni.**

- Sektarheimild nær til **Kannabis** (marihuana, hass og hassolíu, kannabisplantna), **amfetamíns**, **LSD** (lýsergíð), **“ecstasy”** (þ.m.t. MDMA, 3,4 – metýlendíoxýmetamfetamín) og **kókaíns**.
- Leiðbeiningar um sektarfjárhæðir:

#### **A.**

#### **Grunnsektir (lágmarkssektir). Beitt einungis við allra smæstu brot:**

1. Kannabis .....kr. 30.000
2. Amfetamín .....kr. 40.000
3. LSD .....kr. 40.000
4. “Ecstasy” .....kr. 45.000

5. Kókaín.....kr. 45.000

Fyrir fyrsta brot ungmennis má ef brot er mjög smávægilegt ákvarða lægri sekt en að framan greinir.

#### **B.**

##### **Kaup efnanna og önnur öflun þeirra til eigin nota:**

1. **Kannabis**

Grunnsekt að viðbættum kr. 4.000 fyrir hvert gramm eða hluta af grammi.

2. **LSD**

Grunnsekt að viðbættum kr. 10.000 fyrir hvern skammt (þynnu, töflu) eða hluta af skammti.

3. **Amfetamín**

Grunnsekt að viðbættum kr. 10.000 fyrir hvert gramm eða hluta af grammi.

4. **“Ecstasy”**

Grunnsekt að viðbættum kr. 10.500 fyrir hverja töflu eða hluta af töflu.

5. **Kókaín**

Grunnsekt að viðbættum kr. 25.000 fyrir hvert gramm eða hluta af því magni.

#### **C.**

##### **Vörslur:**

Fyrir vörslur efnanna skal að jafnaði sekta eins og fyrir kaup, sbr. B. lið. Þegar um nokkurt magn efnanna er að ræða ber að aðgæta hvort ekki sé líklegt að efnið hafi verið ætlað til sölu og rannsaka málið sérstaklega með tilliti til þess. Við ítrekuð brot ætti og að kanna þetta atriði, eftir atvikum án tillits til efnismagns.

#### **D.**

##### **Sala og hvers konar önnur afhending efnanna:**

Sérhver sala leiði til ákæru.

##### **Hvers konar önnur afhending:**

1. **Kannabis**

Grunnsekt að viðbættum kr. 8.000 fyrir hvert gramm eða hluta af grammi.

2. **Amfetamín, LSD, kókaín og “ecstasy”**

**Sérhver afhending efnanna leiðir til ákæru.**

Að jafnaði skal sama manni ekki gefinn kostur á að ljúka máli oftari en einu sinni samkvæmt 1. tl.

### **2.3 Brot gegn áfengislögum nr. 75/1998 og lögreglusambvikkum.**

#### **2.3.1 Framleiðsla, innflutningur, sala og veitingar áfengis:**

##### **1. og 2. mgr. 4. gr.:**

- Innflutningur, heildsala, smásala, veitingar og framleiðsla áfengis, sem fram fer í atvinnuskyni án leyfis samkvæmt lögnum.
- Framleiðsla áfengis til einkaneyslu eða sölu og sala áfengis.  
Grunnsekt skal vera 50.000.

Við ákvörðun sektar umfram grunnsekt skal hafa hliðsjón af lögbundnu áfengisgjaldi, sbr. 2. mgr. 27. gr. áfengislaga, sbr. 3. gr. laga um gjald af áfengi nr. 96/1995, sbr. lög nr. 93/1998. Jafnframt skal áfengi sæta upptöku samkvæmt 1. og 3. mgr. 28. gr. áfengislaga, sem og áhöld og tæki sem í þeirri grein eru talin.

Alvarleg eða ítrekuð brot, sbr. 3. og 4. mgr. 27. gr., sæti ákæru.

Veiting áfengis með öðrum hætti en heimilt er samkvæmt lögnum, sbr. 26. gr.

Sekt ákvarðast eftir eðli og umfangi brots kr. 50.000 – 500.000

#### **7. gr.:**

- Eiga, flytja inn, útbúa eða smíða sérhæfð áhöld til að eima áfengi eða til að gera drykkjarhæft áfengi sem var ódrykkjarhæft, án leyfis samkvæmt lögnum.

Sekt ákvarðast eftir eðli og umfangi brots kr. 50.000 – 500.000

### **2.3.2 Meðferð og neysla áfengis.**

#### **1. mgr. 18. gr.:**

- Selja, veita eða afhenda áfengi þeim sem er yngri en 20 ára

Sekt ákvarðast eftir eðli og umfangi brots kr. 20.000 – 100.000

#### **1. – 3. mgr. 19. gr.:**

- Önnur ólögmet afhending, meðferð eða neysla áfengis

Sekt ákvarðast eftir eðli og umfangi brots kr. 10.000 – 50.000

#### **5. mgr. 19. gr.:**

- Láta viðgangast ólöglegan tilbúning áfengis, ólöglega sölu eða geymslu þess í húsum sínum eða á landi sínu.
- Skip, bátar eða önnur flutningatæki notuð til geymslu, flutnings eða sölu ólöglegs áfengis.
- Vörslur áfengis sem látið hefur verið af hendi andstætt lögnum.

Grunnsekt skal vera kr. 10.000

Við ákvörðun sektar umfram grunnsekt skal hafa hliðsjón af lögbundnu áfengisgjaldi, sbr. 2. mgr. 27. gr. áfengislaga, sbr. 3. gr. laga um gjald af áfengi, sbr. 2. gr. laga nr. 93/1998

#### **21. gr.:**

- Valdið óspektum, hættu eða hneyskli á almannafæri, í bifreiðum eða öðrum farartækjum.

Sekt ákvarðast eftir eðli og umfangi brots kr. 10.000 – 50.000.

- **Brot sem eingöngu varða við lögreglusamþykkt**

Sekt ákvarðast eftir eðli og umfangi brots kr. 10.000 – 50.000

### **2.4 Brot gegn tollalögum nr. 88/2005.**

#### **1. mgr. 170. gr. og 171. gr.**

##### **Meginregla**

Við ákvörðun sektar skal hafa hliðsjón af aðflutningsgjaldi hinnar innfluttu vöru, að viðbættum 20% þeirrar fjárhæðar, auk þess sem varan, að andvirði allt að kr. 500.000 verði gerð upptæk skv. 1. mgr. 181. gr. tollalaga, sbr. 1. mgr. 3. gr. reglugerðar nr. 569/1998 um lögreglustjórasáttir, sbr. reglugerð nr. 980/2000.

##### *Ólöglegur innflutningur áfengis og tóbaks*

Við ákvörðun sektar skal hafa hliðsjón af útsöluverði sambærilegs áfengis/tóbaks hjá Áfengis- og tóbaksverslun ríkisins.

Um eftirgreindar vörur skal þó miða við tilgreindar fjárhæðir:

Áfengi yfir 71% (t.d. spíri)	fyrir lítra	9.000 kr.
Áfengi; 51% - 70%	fyrir lítra	8.000 kr.
Áfengi yfir 31-50%	fyrir lítra	6.000 kr.
Áfengi 22-30%	fyrir lítra	5.000 kr.
Áfengi undir 22%	fyrir lítra	3.500 kr.
Vín, þ.m.t. freyðivín	fyrir lítra	2.500 kr.
Bjór 33 cl. 24 stk.	1 kassi	5.000 kr.
Bjór 33 cl.	1 stk	200 kr.
Bjór 50 cl. 24 stk.	1 kassi	6.000 kr.
Bjór 50 cl.	1 stk	300 kr.
Vindlingar (200 stk)	1 karton	6.500 kr.
Vindlar, smáir (t.d. Bacatello)	fyrir 10 stk.	500 kr.
Vindlar, meðalstórir (t.d. Fauna)	fyrir 10 stk.	800 kr.
Vindlar, stórir („Kúbuvindlar")	fyrir 25 stk.	8.000 kr.
Munntóbak („snus")	fyrir 50 g	500 kr.
Neftóbak („snuff ") t.d. mentól	fyrir 50 g	9.500 kr.
Neftóbak („snuff ") t.d. mentól	fyrir 1 g	25 kr.

#### *Ólöglegur innflutningur matvöru*

Við ákvörðun sektar skal hafa til hliðsjónar aðflutningsgjald vöru að viðbættum 20% þeirrar fjárhæðar.

Um eftirgreindar vörur skal þó miða við tilgreindar fjárhæðir:

Fuglakjöt, beinlaust	fyrir 1 kg	1.500 kr.
Fuglakjöt, með beini	fyrir 1 kg	700 kr.
Svínakjöt	fyrir 1 kg	1000 kr.
Svínakjöt; lundir eða reykt	fyrir 1 kg	2.000 kr.
Nautakjöt; lundir	fyrir 1 kg	3.000 kr.
Nautakjöt	fyrir 1 kg	1.500 kr.
Salami pylsa	fyrir 1 kg	1.500 kr.
Skinka	fyrir 1 kg	1.500 kr.
Ostur	fyrir 1 kg	1000 kr.

#### *Ólöglegur innflutningur fæðubótarefna*

Við ákvörðun sektar skal hafa hliðsjón af söluverði efnis, ef upplýsingar liggja fyrir um það.

Um eftirgreindar vörur skal þó miða við tilgreindar fjárhæðir:

*Ripped fuel:*

Ripped fuel (60 pillur í glasi)	fyrir 1 glas	2.000 kr.
Ripped fuel (120 pillur í glasi)	fyrir 1 glas	4.000 kr.
Ripped fuel (200 pillur í glasi)	fyrir 1 glas	6.000 kr.

*Herbalife:*

Við ákvörðun sektar vegna innflutnings eftirgreindra herbalifevara, sem Lyfjastofnun hefur ekki heimilað innflutning á, skal miða við lágmarksfjárhæð 1.000-4.000 kr. fyrir hver 60 stk. af töflum eða 60 g af dufti:

Töflur	60 stk.	2.000-6.5000 kr.
Sleep Now N-R-G Cell-U-Loss Aminogen AM Replenishing PM Cleansing Formula Vita/Mineral/Herbs Formula 2 Formula 3/Cell-U-Loss Original Green		
Töflur	60 stk.	2.000-6.500 kr.
Thermojetics Beige Thermojetics Formula 2 Thermojetics Green& Beige Mega Ginseng Blend Ultimate Prostate Formula Woman´s Choice Schizandra Plus		

Duft	60 g	2.000-6.500 kr.
Thermojetics Thermojetics Formula 1 Thermojetics Lemon Thermojetics HRBL Peach Performance Protein		

Meginreglan um ákvörðun sektarfjárhæðar með hliðsjón af söluverði skal gilda um eftirgreindar herbalifevörur, sem Lyfjastofnun hefur hafnað: Herbal Calmative (úði), Raw Guarana (te), Thermojetics Protein Bar (kex).

**1. mgr. 172. gr.**

Sektir skulu að lágmarki nema tvöföldum en að hámarki tíuföldum aðflutningsgjöldum af því tollverði sem dregið var undan álagningu aðflutningsgjalda, sbr. 1. mgr. 172. gr.

## **2.5 Brot gegn lögum um lögskráningu sjómanna nr. 43/1987**

### **4. gr. og 5. gr. sbr. 2. gr.**

Sekt kr. 25.000 fyrir hvern skipverja sem vanrækt er að skrá í skiprúm eða úr skiprúmi.

## **2.6 Brot gegn lögum um vakstöð siglinga nr. 41/2003**

### **Brot á ákvæðum um tilkynningarskyldu.**

Fyrsta brot kr. 25.000 - 60.000 eftir atvikum.

Annað brot kr. 60.000 - 500.000 eftir atvikum.

## **2.7 Brot gegn lögum um eftirlit með skipum nr. 47/2003**

### **Fyrri málsliður 1. mgr. 9. gr., sbr. 29. gr.**

Haffærisskírteini eða skoðunarvottorð ekki meðferðis en skip haffært.

Sekt kr. 15.000 60.000.

## **2.8 Brot gegn lögum um áhafnir íslenskra fiskiskipa, varðskipa, skemmtibáta og annarra skipa nr. 30/2007**

### **5. mgr. 8. gr.**

Atvinnuskírteini til vélstjóra og skipstjórna ekki meðferðis en réttindi eru fyrir hendi eða réttindi útrunnin.

Sekt kr. 15.000 - 50.000.

## **2.9 Brot gegn vopnalögum nr. 25/1998 og reglugerðum settum samkvæmt þeim**

### **1. mgr. 5. gr.**

Innflutningur skotvopna, skotfæra, sprengiefnis og skotelda án leyfis.

Sekt ákvarðast eftir eðli og umfangi brots kr. 10.000-500.000

### **4. mgr. 5. gr.**

Innflutningur og framleiðsla óleyfilegra skotvopna.

Sekt kr. 50.000 fyrir hvert vopn.

### **5. mgr. 5. gr.**

Innflutningur og framleiðsla eftirlíkinga vopna.

Sekt ákvarðast eftir eðli og umfangi brots kr. 10.000-100.000.

### **1. mgr. 12. gr.**

Eign eða notkun skotvopns án skotvopnaleyfis.

Sekt ákvarðast eftir eðli og umfangi brots kr. 10.000-500.000.

### **16. gr.**

Ráðstöfun skotvopns í eigu dánarbús innan 12 mánaða til aðila sem hefur leyfi til að eiga slíkt skotvopn.

Sekt kr. 10.000 fyrir hvert skotvopn sem vanrækt er að ráðstafa.

### **1. mgr. 20. gr.**

Skylda til að hafa skotvopnaleyfi meðferðis og sýna það ef lögregla krefst þess (leyfi fyrir hendi).

Sekt kr. 10.000.

### **1. mgr. 21. gr.**

Almenn varúðarregla. Bann við vopnaburði á almannafæri. Tilhögun flutnings og burðar skotvopna.

Sekt ákvarðast eftir eðli og umfangi brots kr. 10.000-100.000.

**2. mgr. 21. gr.**

Bann við meðferð skotvopna undir áhrifum áfengis eða annarra vímugjafa.

Sekt ákvarðast eftir eðli og umfangi brots kr. 20.000-500.000.

**4. mgr. 21. gr.**

Bann við að hleypa af skoti að nauðsynjalausu yfir veg, úr ökutæki, á almannafæri og annars staðar þar sem hættu getur stafað af.

Sekt ákvarðast eftir eðli og umfangi brots kr. 10.000-500.000.

**5. mgr. 21. gr.**

Skoti hleypt af á eða yfir landi án leyfis landeiganda eða ábúanda.

Sekt ákvarðast eftir eðli og umfangi brots kr. 10.000-100.000.

**23. gr.**

Vörslur skotvopna og skotfæra.

Sekt ákvarðast eftir eðli og umfangi brots kr. 10.000-500.000.

**1. mgr. 30. gr.**

Vopnaburður á almannafæri.

Sekt ákvarðast eftir eðli og umfangi brots kr. 10.000-500.000.

**2. mgr. 30. gr.**

Innflutningur, framleiðsla, eign eða vörslur annarra óleyfilegra vopna en skotvopna.

Sekt ákvarðast eftir eðli og umfangi brots kr. 10.000-500.000.

**32. gr.**

Sala skotelda til barna.

Sekt ákvarðast eftir eðli og umfangi brots kr. 10.000-500.000.

**38. gr.**

Breytingar á skotvopni.

Sekt ákvarðast eftir eðli og umfangi brots kr. 10.000-500.000.

Að jafnaði skal ákært við aðra ítrekun á framangreindum ákvæðum laganna.

**2.10 Brot gegn lögum um vernd, friðun og veiðar á villtum fuglum og villtum spendýrum nr. 64/1994 og reglugerðum settum samkvæmt þeim**

**1. mgr. 6. gr.**

Um friðun villtra dýra (og þar af leiðandi bann við veiðum og eggjatöku m.a., sbr. 2. mgr. 1. gr.), nema annað sé tekið fram í lögnum.

Sekt ákvarðast eftir eðli og umfangi brots kr. 10.000-500.000.

**9. gr.**

Áskilnaður um eiginleika skotvopna sem nota má við veiðar ekki uppfylltur. Tæki, efni og annað það sem óheimilt er að nota við veiðar.

Sekt ákvarðast eftir eðli og umfangi brots kr. 10.000-500.000.

**1. mgr. 11. gr.**

Veiðar stundaðar án þess að viðkomandi hafi aflað sér veiðikorts

Sekt kr. 20.000.

Veðdikort ekki meðferðis en viðkomandi hefur fengið það útgefið.

Sekt kr. 10.000.

### **2.11 Brot gegn lögum um sinubrennur og meðferð elds á víðavangi nr. 61/1992**

Sektir ákvarðist eftir eðli og umfangi brota kr. 10.000-500.000.

### **2.12 Lög um náttúruvernd nr. 44/1999**

#### **1. mgr. 17. gr.**

Akstur utan vega.

Sektir ákvarðist eftir eðli og umfangi brota kr. 10.000-500.000.

### **2.13 Lög um útlendinga nr. 96/2002 og lög um atvinnuréttindi útlendinga nr. 97/2002.**

#### **Útlendingur vinnur án atvinnuleyfis lögum samkvæmt**

Í 3. mgr. 6. gr. laga um atvinnuréttindi útlendinga segir: Útlendingi er óheimilt að ráða sig í vinnu eða starfa sjálfstætt nema leyfi hafi verið veitt samkvæmt lögum þessum. Um refsingu fyrir brot á þessari bannreglu er mælt í a. lið 1. mgr. 17. gr. laganna: Það varðar sektum eða fangelsi allt að sex mánuðum ef maður:

a. af ásetningi eða gáleysi brýtur gegn lögum þessum eða reglum settum samkvæmt þeim ... Grunnsekt verði kr. 10.000. Sekt hækki um kr. 5.000 fyrir hvern mánuð umfram þann fyrsta sem ákærði hefur starfað hér á landi án atvinnuleyfis lögum samkvæmt.

#### **Útlendingur án atvinnuleyfis ráðinn til starfa**

Í 2. mgr. 6. gr. laga um atvinnuréttindi útlendinga segir: Óheimilt er hverjum manni, félagi eða stofnun, sem rekur atvinnu eða starfrækir fyrirtæki, hverju nafni sem það nefnist, að ráða útlending til starfa, hvort heldur er um langan tíma eða skamman, eða hlutast til um að útlendingur flytjist til landsins í því skyni án atvinnuleyfis. Um refsingu fyrir brot á þessari reglu er mælt í a. lið 2. mgr. 17. gr. laganna þar sem segir:

Það varðar sektum eða fangelsi allt að tveimur árum ef maður:

a. af ásetningi eða stórfelldu gáleysi nýtir starfskrafta útlendings sem ekki hefur atvinnuleyfi samkvæmt lögum,...

Grunnsekt verði kr. 100.000 fyrir hvern mann sem ráðinn er til starfa miðað við byrjaðan mánuð. Sekt hækki um kr. 50.000 fyrir hvern mánuð umfram þann fyrsta sem starfskraftar útlendings hafa verið nýttir.

Fyrir gróf brot og ítrekuð brot skal krefjast fangelsisrefsingar. Ástæða kann að vera til að krefjast sektar að auki samkvæmt 2. mgr. 49. gr. almennra hegningarlaga nr. 19/1940 að uppfylltum skilyrðum sem þar eru tilgreind. Telja skal brot gróft ef sekt næmi meira en kr. 600.000 samkvæmt ofangreindum viðmiðunarreglum.

### **2.15 Lög um fólksflutninga, vöruflutninga og efnisflutninga á landi nr. 73/2001**

Sektir ákvarðast í samræmi við fyrirmæli í reglugerð sem dómsmálaráðherra setur samkvæmt 15. gr. laganna og var í gildi þegar brot var framið, nú reglugerð nr. 885/2002.

### **2.16 Lögreglulög nr. 90/1996**

**19. gr.** Brot gegn skyldu til að hlýða fyrirmælum lögreglu.  
Sekt ákvarðist eftir eðli og umfangi brota kr. 10.000-500.000.

Valtýr Sigurðsson